

დღეღმწე

№6, 2017



ტყის ზღაპარი

(ყრმობაში გაგონილი)

იყო დათვი ბურღუნა,
 ჰყავდა ბელი – ბობლანა;
 მამით ობოლს უყვარდა
 დედის ზურგის მოფხანა.
 პანტას მიადგებოდა –
 უკვე არის მწიფეო,
 დაარხიე, დედიკო,
 ანდა დამიკრიფეო.
 ზოგჯერ პირმშოს ბურღუნა
 წაიყვანდა ყანაში;
 აღარ ჰქონდა საზღვარი
 სიხარულს ბობლანასი.
 მზიან ველზე, ტყის პირას,
 კალო ჰქონდა გაშლილი;
 რძიან ტაროს, ჭყინტ სიმინდს –
 თქვლევდნენ დედა და შვილი.
 გიხაროდეთ, თაფლიანს
 თუ მიაგნეს ფულუროს;
 რა სიამით სვლეპავენ,
 უნდა დადგეთ, უყუროთ.
 შესთხოვს მშობელს, მარგუნე
 კიდევ ერთი გეჯაო;
 დედა ტუქსავს, გეყოფა,
 მუცელგასაგლეჯავო.




კეფას იფხანს ბურღუნა,
 დღეს იხსენებს ავდრიანს;
 თოფი ერთ მონადირეს
 თავზე გადაამტვრია.
 დაავინყა ტყვიები,
 იარაღი, თოფხანა...
 უნამუსო – დედიტაც
 აობლებდა ბობლანას.
 ტორი გასცხო ბურღუნამ –
 თუმც შეეძლო, საშინლად
 დაებუბნა – გაუშვა,
 კაცი ვერ გაიმეტა.
 ეს თქვა მხოლოდ: იაროს,
 იყოს უფლის ნებაო,
 შემეცოდა, იმასაც
 შვილი ეყოლებო.
 ყურებს რომ აბარტყუნებს,
 ტუჩი რომ მოხატვია;
 ნადირთ შორის ყველაზე
 საყვარელი დათვია.
 ბობლავ ბელი – სამოსი
 აქვს უხეში, ჩხვლეტია;
 გაცულლუტდა, უმატა
 ტყე-ღრეებში ხეტიალს.
 ოხრავს დედა, მაგისი
 დევნით დავილალო;
 ხიფათს გადაეყრება,
 დაჭკვიანდეს მალეო.
 კოტრიალობს, ერთობა
 ხან ისე და ხან ასე;
 სხვა დროს წვრილად გიამბობთ –
 ოინებს ბობლანასი.



მხატვარი
 მალხაზ კუსაშვილი

გოლიათი კობცა გამოხეყო კობცა.



სახელად კობცა ერქვა და იყო გოლიათი, ქალაქში ყველაზე ფეთხუმი გოლიათი. თმა-დაუვარცხნელმა ლანჩუმეორღვეული ფეხსაცმლით იცოდა ქალაქში ბოდიალი. მუდამ გაცვეთილი სამოსი ეცვა, ცხრაგან დაკემსილი ნახმარი სამოსი.

„არ მინდა, ვიყო ქალაქში ყველაზე ფეთხუმი გოლიათი“, – ამბობდა მონყენილი.

მაგრამ ერთ დღესაც კობცამ დაინახა ახალი მაღაზია. არ იყო რიგი და ენყო უამრავი კობცა სამოსელი, ადგა და იყიდა:

კობცა პერანგი,
კობცა შარვალი,
კობცა ქამარი, რკინისბალთიანი,
კობცა ყელსახვევი, მთლად ზოლებიანი,
კობცა წყვილი წინდა, ნაქარგი მთლიანად,
და წყვილი ფეხსაცმელი, კობცა და პრიალა.

„სხვა ვინ არის ქალაქში ახლა უფრო კობცა, ვიდრე მე ვარ ამ სამოსში, გოლიათი კობცა“, – ამაყად წაიმღერა.

მაღაზიაშივე დატოვა თავისი ნახმარი სამოსი. ის იყო, სახლისკენ წასვლა დააპირა, რაღაც ხმა შემოესმა. ჟირაფი იდგა ტროტუარზე და სევდიანად სრუტუნებდა.

„რა მოხდა?“ – იკითხა კობცამ.
„რადგან არის ძალზე გრძელი, სულ ცივია ჩემი ყელი, – თქვა ჟირაფმა, – რა იქნება, რომ გამითბოს გრძელმა შარფმა“.

„ყურები ნუ ჩამოყარე!“ – უთხრა კობცამ. მოიხსნა თავისი ზოლებიანი ყელსახვევი, „მაინც არ უხდებოდა ჩემს მოქარგულ წინდებს“, – თქვა და ჟირაფს ყელზე მოახვია.

შარფი ეს იყო, თუ იყო!
„გმადლობ!“ – თქვა ჟირაფმა.

კობცა სახლისკენ გაეშურა, გზად თავისთვის ჩუმად ლილინებდა:

„ჩემი ყელსახვევი შარფით

ჩაითბუნებს ყელს ჟირაფი, მაგრამ, აბა, შემომხედეთ, ყველა აქეთ მოტრიალდით – სხვა ვინ არის ამ ქალაქში ჩემზე კობცა გოლიათი!“

და აი, მდინარეს მიადგა კობცა. ნავში თხა იდგა და საბრალოდ კიკინებდა.

„რა მოხდა?“ – იკითხა კობცამ.
„ძლიერად რომ ქროდა ქარი, დამიგლიჯა იალქანი, – აკიკინდა თხა. – ახალი და გამძლე მეტად, იალქანი მქონდეს, ნეტავ, რაღა მინდა სხვა!“

„ყურები ნუ ჩამოყარე!“ – უთხრა კობცამ, და გაიხადა თავისი ქათქათა პერანგი. „მაინც სულ ამოჩაჩული მქონდა“, – თქვა და თხის ნავის ანძაზე გამონასკვა.

იალქანი ეს იყო, თუ იყო!
„გმადლობ!“ – თქვა თხამ.
კობცა სახლისკენ გაეშურა, გზად თავისთვის ჩუმად ლილინებდა:

„ჩემი ყელსახვევი შარფით ჩაითბუნებს ყელს ჟირაფი, გააქროლებს თხის ნავს ქარი, აქვს პერანგის იალქანი, მაგრამ, აბა, შემომხედეთ, ყველა აქეთ მოტრიალდით – სხვა ვინ არის ამ ქალაქში ჩემზე კობცა გოლიათი!“

და აი, ნასახლარს მიადგა კობცა. თეთრი თავი იდგა იქვე ახლოს, თან ბევრი პატარა წრუნუნა ახლდა. ყველა ერთხმად წრიპინებდა.

„რა მოხდა?“ – იკითხა კობცამ.
„მთლად დაინვა ჩვენი სახლი, – დედა თავი აწრიპინდა. – სად ვიცხოვროთ, რა ვქნათ ახლა. ეჰ, ახალი სახლი გვინდა!“

„ყურები ნუ ჩამოყარე!“ – უთხრა კობცამ, და ნაიძრო ფეხიდან თავისი პრიალა ფეხ-

საცმელი. „მაინც ბებერებს გამიჩენდა“, – თქვა, როგორც კი თავი და მისი წრუნუნები შიგნით ჩაძვრნენ.

აი, სახლი ეს იყო, თუ იყო!

„გმადლობ!“ – დაინრიპინეს ერთხმად.

კობტა ახლა ასკინკილა მიდიოდა, მაგრამ მაინც აინუნშიც არ აგდებდა. მიხტოდა და ღლინებდა:

*„ჩემი ყელსახვევი შარფით
ჩაითბუნებს ყელს ჟირაფი,
გააქროლებს თხის ნავს ქარი,
აქვს პერანგის იალქანი,
ჩემი ფეხსაცმელი ახლა
თაგუნებს უდგათ სახლად,
მაგრამ აბა, შემომხედეთ,
ყველა აქეთ მოტრიალდით –
სხვა ვინ არის ამ ქალაქში
ჩემზე კობტა გოლიათი!“*

კარვების ბანაკს მიადგა კობტა. კარავთან მელა იდგა და ტიროდა.

„რა მოხდა?“ – იკითხა კობტამ.

„ჩემი საძილე ტომარა, – თქვა მელამ. – გუბე რომ არა...“

შიგ ჩამივარდა დილით.

ეჰ, ნეტავ საძინებელი

მქონდეს მშრალი და თბილი!“

„ყურები ნუ ჩამოყარე!“ – უთხრა კობტამ და გაიძრო ცალი წინდა, მთლიანად მოქარგული. „მაინც თითებზე მილიტინებდა,“ – თქვა, როგორც კი მელამ შიგ მოიკალათა.

საძინებელი ტომარაც ეს იყო, თუ იყო!

„გმადლობ!“ – თქვა მელამ.

მიხტოდა კობტა, მღეროდა კობტად:

*„ჩემი ყელსახვევი შარფით
ჩაითბუნებს ყელს ჟირაფი,
გააქროლებს თხის ნავს ქარი,
აქვს პერანგის იალქანი,
ჩემი ფეხსაცმელი ახლა
თაგუნებს უდგათ სახლად,
ჩემი წინდა კი მელიას
თბილი საძინებელია,
მაგრამ, აბა, შემომხედეთ,
ყველა აქეთ მოტრიალდით –
სხვა ვინ არის ამ ქალაქში
ჩემზე კობტა გოლიათი!“*

ამასობაში კობტა დამყაყებულ ჭაობს მიადგა. ჭაობთან ახლოს ძალღი იდგა და ყმუოდა.

„რა მოხდა?“ – იკითხა კობტამ.

„ჭაობია, – უთხრა ძალღმა. –

არსად არის ახლომახლო მშრალი ფონი.

მაგრამ უნდა გავიარო, გადავლახო.

ეჰ, ნეტავი საიმედო,

მშრალი ბილიკები ვნახო!“

„ყურები ნუ ჩამოყარე!“ – უთხრა კობტამ, და რკინის ბალთიანი ქამარი შემოიხსნა. „მაინც ნელზე მომიჭირა,“ – თქვა და ჭაობზე დადო.

გზა ეს იყო, თუ იყო!

„გმადლობ!“ – თქვა ძალღმა.

დაუბერა ქარმა, მაგრამ კობტა არად დაგიდევდა. ხტუნაობით მიდიოდა, მიიმღერდა:

*„ჩემი ყელსახვევი შარფით
ჩაითბუნებს ყელს ჟირაფი,
გააქროლებს თხის ნავს ქარი,
აქვს პერანგის იალქანი,
ჩემი ფეხსაცმელი ახლა
თაგუნებს უდგათ სახლად,
ჩემი წინდა კი მელიას
თბილი საძინებელია,
ძალღიც გავა ჭაობიდან,
ჩემს ქამარზე გადავიდა.
მაგრამ...“*

მძვრება შარვალი და როგორ მცვივა.

ახლა რა ვარ – გოლიათი სასაცილო!“

უეცრად მოიწყინა კობტამ, აკანკალებულმა იგრძნო, რომ აღარ არის კობტა. ცალ ფეხზე დადგა და დაფიქრდა. „უნდა დავბრუნდე მაღაზიაში და ახალი სამოსი ვიყიდო“, – გადწყვიტა. ამ იმედით ასკინკილა გაემურა მაღაზიისკენ. მაგრამ მაღაზიაზე დახვდა წარწერა – **დაკეტილია!**

„ო, არა!“ – ატირდა კობტა. ქვაფენილზე დაეშვა, ცრემლები ლაპალუპით ჩამოსდიოდა. ახლა ისეთივე მოწყენილი იყო, როგორც ის ცხოველები, სახლისკენ მიმავალს გზად რომ შეხვდნენ. უეცრად მზერა გვერდით გაექცა და დაინახა ჩანთა, საიდანაც რალაც ძალიან ნაცნობი მოჩანდა. კობტა დააკვირდა და... „ჩემი პერანგი! – წამოიყვირა, – ჩემი საყვარელი ძველი პერანგი და სანდლები!“ კობტამ სასწრაფოდ ჩაიწვა. რა მშვენიერი და მოხერხებული იყო ძველი სამოსი. „მე ვარ ქალაქში ყველაზე მოხერხებულად გამონყობილი გოლიათი!“ – აღტაცებული ყვირილითა და ცეკვა-ცეკვით გაუყვა გზას შინსაკენ.

მისი სახლის წინ, ეზოში თავი მოეყარათ

ცხოველებს, ვისაც ის დაეხმარა. უზარმაზარი საჩუქარი მოეტანათ.

„მოდით, კობტა, – უთხრეს მათ. – გახსენით!“ კობტამ საჩუქარს ლენტა შემოხსნა. შიგნით იდო ულამაზესი ოქროსფერი ქალაქის გვირგვინი და ბარათი. „ბარათიც გახსენით, კობტა!“ – უთხრეს ცხოველებმა. კობტამ გვირგვინი თავზე დაიდგა და ბარათი გახსნა.

*„შენი ყელსახვევი შარფით
ყელს ითბუნებს კვლავ ჟირაფი,
ქარი როცა დაუბერავს,
თხა იალქნად გაშლის პერანგს,
შენი ფეხსაცმელი ახლა
თავუნიებს უდგათ სახლად,
შენი წინდა კი მელიას
თბილი საძინებელია,
ძალით მყაყე ჭაობიდან
შენი ქამრით გადავიდა,
ამიტომაც ეს გვირგვინი შენ ატარე,
სულერთია, რა გაცვია –
ძველმანი თუ რამე კობტა,
შენ ხარ ჩვენი საყვარელი გოლიათი,
ჩვენი კობტა!“*

ინგლისურიდან თარგმნა
ვასილ გულუშია



მხატვარი
იულია ნიკოზოსოვა

და ჰა, ბინდიც

გარეთ მზე და ოქროსფერი
 ფოთლის შარიშურია,
 რომელიღაც ჩიტი მღერის,
 ბიჭსაც ფრენა სწყურია.
 ფრთებს გაშლის და ფანჯრიდანვე
 გადახტება ზურია.
 ბურთი დახტის,
 ბურთი დაქრის,
 ბურთსაც ფრენის ჟინი აქვს...
 – აბა, მიდი, ბიჭო, ბადრი!
 – აქ ვარ, ნუ გეშინია!



ბადრის ავთო გამოენთო,
 ავთოს – კანჭა ზაური,
 ფოცხვერივით შეხტა თენგო,
 – ბიჭოს! – აი, თავური!
 არის ერთი ჟრიაშული,
 დამდი-დიმდი-დაური...
 – აბა, მოდი! – აბა, მიდი!
 და ჰა, ბინდიც –
 ჩუმ-ჩუმად...
 ეს ფოთოლიც, ფერად შინდი,
 ნეტავ, რას აჩურჩულდა?
 მოიწყინეს თურმე მარტო
 დარჩენილმა წიგნებმა, –
 ზურია ბიჭს, იმ ჩვენს პატრონს,
 გზა აებნა, იქნება!



**მხატვარი
 მალხაზ კუსაშვილი**

მეორე დღე...
 ოქროსფერი
 ფოთლები კვლავ მღერიან,
 ორიანსაც გედის ყელი
 კობტად მოუღერია.
 მონყენილა, მოღუშულა
 ჩვენი ბიჭი – ზურია,
 აღარ უსმენს ჩიტებს სულაც
 და არც ფრენა სწყურია...

ბებოს სამზარეულო

ბებოს ლხინი

– აბა, ჩემო სანოვაგევე ხვავისა,
იქეც სტუმრის და მასპინძლის ხალისად!
მადლი უფალს, რომ გვარგუნა ლუკმა,
მალე გავშლით ჩვენს ჯადოსნურ სუფრას! –
ამბობს ბებო და ამზადებს სადილს,
ყველასათვის მართავს ნამდვილ ნადიმს:
პური – ჩვენ,
ნამცეცი – ჩიტსო,
ჩვენს ფანჯარასთან რომ ზისო,
ხორცი – ჩვენ და
ძვალი – ძაღლსო,
ამ სახლს დარაჯად რომ ჰყავსო.
მჭადი – ჩვენ და ქათო – ქათამს,
ყველი – ჩვენ და შრატი – კატას,
ხილი – ჩვენ, ნაფცქვენი – ღორსო,
რაც დაგვრჩება – მარჯვე ცოცხსო,
ჩენჩო – ბუხარს, კურკა – მინას,
ბებომ ლუკმა ყველას მისცა.



სუპი

ერთი ჩამჩაც საქმე არის,
მაგრამ ერთს სჯობს ორი!
ვინც ჭკვიანი არის სხვაზე,
ის სამსაც ჭამს, მგონი.
ზოგს პატარა თევშიც ჰყოფნის,
ზოგს არ ჰყოფნის დიდიც.
მათლაფიდან ჩვენს პირამდე
გავდოთ კოვზის ხიდი.
სუპი უყვართ თურმე პირებს,
სუპი უყვართ მუცლებს.
უყვარს ხელ-ფეხს, უსუპობას
თურმე ვერვინ უძლებს.
უყვართ ცხვირებს, ყურებს,
თვალეებს,
ყველას უყვარს სუპი,
რადგან გაზრდის ნამალია,
მას არავინ უფრთხის.
ის ნამდვილი სარდალია
სადილის და სუფრის.
უხმოდ უნდა ამოვხაპოთ
კოვზით ეს ზღვა სუპის.



თათრის ძაღლები

ვუძღვნი ლიდა სტვილიას ხსოვნას

მუხათნყაროში გატარებულ დღეებს ვიგონებ...

შემოდგომის დამდეგს პოეტ ქალბატონს, ლიდა სტვილიას, ერთი ჩვეულება ჰქონდა: თანამოაზრეებს (უმეტესად ახალგაზრდებს) აიყოლიებდა და დანნული კალათით, ფერადი ქოლგით ტყის ბილიკებს შეუყვებოდა. შემოდგომის მსუყე ფერები იზიდავდა, თავისკენ ეწეოდა. ჩიტების ჭიკჭიკი, გალობა, ტყის სიმყუდროვე, მწიფე შინდის, მოცვის, ასკილის, მაყვლის სურნელი – ყველაფერი ეს აბრუებდა, თავისკენ ეწეოდა პოეტ ქალს... იმ დღეს რა მოხდა, არ ვიცი, გამყოლი ვერ იპოვა თუ მარტოდმარტო ხეტიალი მოინადინა, ბილიკს შეჰყვა. – მწიფე მაყვალი მეძახის, დაკრეფას მთხოვსო, – წასვლისას გამიმხილა. არადა, ვხედავდი, როგორ მიიღწეოდა აღმართზე პოეტი ქალის მოქნილი სხეული, რაღაც ძალა ეწეოდა თავისკენ. სახე არ უჩანდა, ქოლგა უფარავდა. სამოც წელს იყო მიტანებული. თხელი და კაფანდარა ახალგაზრდული ენერგიით აღვსილს ჰგავდა. მაღალი შუბლი და ფართო, თაფლისფერი თვალები მის გამოხედვას სანდომიანს ხდიდა. ვარდისფერი ყვავილებით მოჩითული ქოლგა თავმომწონედ ეჭირა ხელში, თითქოს მაყვლის დასაკრეფად კი არ მიდიოდა, არამედ მწვანე ჭალაზე გასეირნება მოსურვებოდა...

შუადღის მზემ მცხუნვარებას რომ უმატა და სუნთქვა გაძნელდა, რატომღაც ლიდაზე ფიქრმა შემიპყრო. იგი არ ჩანდა. არც მძებნელი ჰყავდა ვინმე – ოჯახის წევრები თბილისში იმყოფებოდნენ, ლიდა მარტოდმარტო შერჩენოდა მუხათნყაროს. არადა, დაბრუნება დაუგვიანდა. რა ხდება? მაღიმაღლ გავცქეროდი გზას. უსიამო წინათგრძნობა გულს მიკუმშავდა...

არც შევმცდარვარ. მოგვიანებით, მზის ჩასვლის წინ, როგორც იქნა, გამოჩნდა... ვერ ვიცანი. შინდისფერი, მარმაშა კაბა დაგრძელებოდა, ფეხებში ედებოდა. ძლივს მოლასლასებდა... ქოლგა ეხურა, მაგრამ ვაი იმ დახურვას, გვერდზე მობრეცოდა. კალათი ცარიელი იყო. ფერგამკრთალსა და გაცრეცილს ყოველგვარი ხალისი დაჰკარგოდა. ჭირ-ვარამგადატანილს ჰგავდა. შიშსა და ფათერაკს რომ გადაეყრები და კარგა ხანს გონზე ვერ მოსულხარ, ამგვარ დღეში იყო. ჭიშკარი გავალე და შინ მოვიწვიე. უხმოდ შემომყვა. ხმას არ იღებდა. დაველოდე, სანამ დაწყნარდებოდა.

– წყალი დამალევიწე...

ცოტა გონს მოვიდა.

– იმ ოქროსფერ მთას ხედავ? – სადღაც ზემოთ, ტყის მხარეს გაიხედა. – იმ ბექობზე ასვლა მიყვარს. მარტო არასდროს ავსულვარ, ახლა რამ მომაგუნება, არ ვიცი. შინდსა და მაყვალს იმდენად არ დავხარბებივარ, უფრო ზემოდან გადმოხედვა მსიამოვნებს. თბილისი ხომ მოჩანს, დასავლეთით – დიდგორის ველი გაფენილა, ისტორიული ადგილი. ხელისგულზე გადაშლილს ჰგავს. დიდი, მწვანე ველი მაყვლის ბუჩქნარით არის შემორკალული, შუაში მუხა დგას – ვეება, ტოტებ-გადაშლილი, ჩრდილიანი.

მხატვარი
ვაჟა ქურხული



როგორც იქნა, ავალნიე, მწვანე ჭალაც გავიარე. ის იყო, მუხის ჩრდილებს უნდა შეეფარებოდი, რომ რალაც ხმა მომესმა. უცხო ქშენა, ხრიალი, ყეფა... და დავინახე: ლამის ყოველი მხრიდან გამოჩნდნენ, ჩემკენ მოინევდნენ, ირგვლივ მერტყმოდნენ. მეცხვარის ძაღლები აღმოჩნდნენ... ჩვენთან „თათრის ძაღლებს“ ეძახიან. ავები არიან, დაუზოგავები. ღრენით, ქშენით, პირზე დუჟმოდგარი მოინევდნენ ჩემკენ. შავად გამურული, ლაშიანი თათრის ძაღლები. მთელი ხროვა იყო. საიდან მოვიდნენ, ცხვრის ფარა არსად ჩანდა! მათმა მოღებულმა პირმა, გაალმასებულმა მზერამ ლამის გონი დამაკარგვინა. ბრაზიანები და დაუნდობლები ჩანდნენ... ასეთი შიში ჩემს სიცოცხლეში არ განმიცდია. მშველელი არავინ მყავდა. მივხვდი, დაძახება არ შეიძლებოდა, არც განძრევა, წამოდგომა და გაქცევა, მით უმეტეს შეუძლებელი იყო... უმალ წამესეოდნენ და დამგლეჯდნენ. ამას აშკარად ვგრძნობდი... სადაც ვიყავი, იქვე ჩავიკეცე, მწვანე ბალახში მონყვევით ჩავეშვი. არადა, ვხედავ, თანდათან ახლოს მოდიან, მოინევენ. მიახლოვდებიან. ავი მზერით, დაღებულ პირით, წვეტიანი კბილებით, ქელვით... სველი, ლორწოიანი ენით ლამის მეხებებიან... მცირედი ხელის გაქნევა, განყრომა და... აშკარად დამგლეჯენ!

საოცარი რამ მოხდა! გონება დავკარგე-მეთქი, ვერ ვიტყვი – უძალომ და შიშატანილმა, ერთბაშად სხვა სამყაროში გადავინაცვლე, სხვა სამყოფელში აღმოვჩნდი, ჩემს ბავშვობაში... „შიში არ შეგატყონ!“ – შორეული ხმა ჩამესმა. ვისი ხმა იყო, ვერ მივხვდი. – „დაუყვავე, მოეფერე...“ არადა, მათი მოფერება ძალზე ძნელი იყო! ჩემდა უნებლიეთ ავჩურჩულდი: „რა იყო, მურია! ვერ მიცანი?! დანყნარდით, არაფერს გიშავებთ... ჩემთვის ვარ... თუ გინდათ, გიმღერებთ...“

და ვინყებ სიმღერას – ძველ, მეგრულ „ნანას“... ძველისძველს, შელოცვის ძალა რომ

აქვს, ისეთს. ერთმანეთში ვურევ სიმღერებს, ხმას ვატკობ... (არასდროს ამგვარი ხმით არ მიმღერია!) დრო-ჟამგამოვლილი ტკივილი, სევდა და მწუხარება ახლდა ჩემს ხმას. აშკარად ეამათ, ჩაყურდნენ. მისმენდნენ. საოცარი ხმოვანება შერეოდა ჩემს სიმღერას. მომწუსხველი ძალა აღმოაჩნდა, შემბოჭველი. და სასწაული მოხდა! ირგვლივ შემორტყმული, ყალყზე შემდგარი და გასაგლეჯად გამზადებული ცხოველები დაშოშმინდნენ, დანყნარდნენ. ერთი იქვე, ფეხებთან გამიწვა. შავთმიანმა, მურა ძაღლმა, ყველაზე დიდმა და ძლიერმა (აღბათ, წინამძღოლმა) თავი ახლოს მომიტანა. ფეხსაცმლის ლანჩა დაყნოსა და ზედ თავი დაადო, თითქოს ჩემი საკუთრებააო, ანიშნებდა დანარჩენებს. არც ერთ მათგანს წინააღმდეგობა არ გაუწევია, ყველანი მისმენდნენ... უკვე აღარ ვმღეროდი, არც ვტიროდი, უაზროდ ვიჯექი. ბუნებასთან, ცხოველებთან, მუხის ხესთან კი საოცარ სიახლოვეს ვგრძნობდი.

მზე თანდათან გადაიხარა, ტყე ჩაყურდა. ძაღლები თვლემდნენ. ზოგიერთი მათგანი ძილ-ფხიზლად ყოფნას არჩევდა, ცალი თვალით მიჭვრეტდა.

რა დრო გავიდა, არ გამიგია... ჩემდა იღბლად, მუხის ტოტებიდან აფრენილმა ვეება ნაცრისფერმა ფრინველმა ფრთები გაშალა და სულ დაბლა-დაბლა წამოვიდა, ლამის თავზე გადამიქროლა. ტყისკენ დაეშვა. მისი ფრთების ტყლაშუნმა თუ წამიერმა გადაქროლებამ უმალ წამოშალა ძაღლების ხრო... გაავებით გაედევნენ. მალე ძაღლებიც მიიმალნენ და ფრინველიც. არც ერთი აღარ ჩანდა. როგორც გამოჩნდნენ, ისე გაქრნენ. გონზე მოსვლა გამიძნელდა, ვერც იმას მივხვდი, ყოველივე მომელანდა თუ სინამდვილეში მოხდა. აქამდე როგორ მოვალნიე, არ გამიგია. ჯერაც ვერ მოვსულვარ გონს. მხოლოდ ერთს ვხვდები – ბავშვობის დროინდელმა, ტკბილმა მეგრულმა „ნანამ“ გადამარჩინა. მადლობა უფალს!



ნუნუ კამუკაშვილი

მამულს

ტყე ჩიტუნებით მორთულა
და ყვავილებით კორდები,
ჩემო ლამაზო მამულო,
ნურასდროს დამიღონდები.

სიო რომ ყანებს დაუვლის,
ზღვად ღელავს ყანა – ზღვაური,
მზეკაბიანი, ზღაპრული,
მინდვრების დღესასწაული.

ეს ცისარტყელაც ციმციმებს,
ცის დამშვენება ინება,
იხარე, ჩემო მამულო,
ნატვრა ცას მოეფინება.

ლალი ჯაფარაშვილი

სამშობლო – უფლის წყალობა

მაის-ივნისში ბულბულების
ტკბილი გალობა,
ნიავის ქროლა, ჯეჯილის ღელვა,
სხივსიოზე მზეკაბანობა.
ბიჭების შფოთი, გოგონების
ნიავექარობა...
ეს სამშობლოა, საქართველო –
უფლის წყალობა!

დალი მაზმიშვილი

დიდი ნენა

ხანძთის ციდან ბადრი მთვარე
როცა გამოანათებს,
დედამინას გაუგზავნის
სხივით ნანერ ბარათებს.
სწორედ მაშინ დიდი ნენე
შვილთაშვილებს უყვება,
რომ წაართვა მზეთუნახავს
დევმა თავისუფლება.
დღემდე ელის გმირ მზეჭაბუკს
ქალი ოქროსთმიანი,
ტყვეობიდან გამოხსნა კი
სულ არ არის გვიანი.
მალხაზები უსმენენ და
საშველად მზად არიან,
მზეჭაბუკის გამოჩენა
ენატრებათ ძალიან.
ციდან მთვარე თავს ევლება,
ფიქრი იმედს ატარებს,
ღმერთო, ნატვრა აუსრულე
დიდი ნენეს პატარებს.



პიპირინა

ქათვან კვიტატინი


უცნაუხი ცეკვა

კუ ტრიალებს, ცეკვავს ტანგოს,
 ხვლიკი ფიქრობს, რამე ავნოს...
 დაუარა განდაგანა,
 თუ გინახავთ ამისთანა:
 გაჰკრა კუდი, გაჰკრა მხარი,
 ცეკვაც აღარ მთავრდებაო...
 გახვითქული ხვლიკი ფიქრობს:
 – ნეტავ, რად არ ბრაზდებაო?
 კუ კი მაღლა იყურება,
 თავზე ადგას მზენვიაო,
 ტანგოს ცეკვავს და ჩურჩულებს:
 – სიყვარული მენვიაო!

კუ და ხვლიკი ქვენარმავალთა რიგის ცხოველები არიან. მათი უმრავლესობა თბილ ადგილებში ბინადრობს.

უპასუხეთ კითხვებს და ერთად გავარკვიოთ, რა ვიცით მათ შესახებ:

1. რამდენ წელს ცხოვრობს კუ?
 - ა. ზოგჯერ 200 წლამდე;
 - ბ. 1 წლამდე;
 - გ. მილიონ წელიწადს.
2. ძირითადად რითი იკვებებიან ხვლიკები?
 - ა. მწერებით;
 - ბ. ხილით;
 - გ. რძის ნანარმით.
3. კუ ლოკოკინაზე სწრაფია, მაგრამ მაინც ძალიან ნელა დადის. კუს ჩვეულებრივი სიჩქარეა:
 - ა. 1 ნაბიჯი დღეში;
 - ბ. 10 კილომეტრი წუთში;
 - გ. 70 მეტრი საათში.
4. რა ჰქვია ხვლიკს, რომელიც სინათლისა და ტემპერატურის მიხედვით იცვლის ფერს?
 - ა. ცისარტყელა;
 - ბ. ქამელეონი;
 - გ. ჭრელაჭრულა.
5. ზღვის კუ იმ სანაპიროზე დებს კვერცხებს, სადაც თვითონ დაიბადა და შემდეგ ისევ წყალში ბრუნდება. როგორ ახერხებს დედა კუ კვერცხების დაცვას?
 - ა. ყვირილით აფრთხობს ცხოველებს;
 - ბ. მაღავს ქვიშაში;
 - გ. ღებავს ნაცრისფრად, რომ ცხოველებს ქვები ეგონოთ.
6. თუ მტაცებელი ხვლიკს სხეულის ამ ნაწილით დაიჭერს, ხვლიკი ძალიან სწრაფად იძრობს მას და მტერს უტოვებს, რადგან იცის, რომ მალე ახალი ამოუვა. რაზეა საუბარი?
 - ა. თმაზე;
 - ბ. კუდზე;
 - გ. ღიპზე.



ზღაპარ-გამოცანები

წინო მზესელი

გამოიცანი ზღაპრის გმირები და პასუხები ჩანერე კროსვორდში.



1. ბუხარში ნაცარს ქექავდა,
სიზარმაცისა მქმნელია,
ძმები სიბრაზემ შეიპყრო,
შეარქვეს


2. სახლის მოვლას, სამკალის მკას
ურჩევნია ძილი.
უქმად ყოფნის უდიდესი
..... აქვს ნიჭი.

4. დევებიცა და ხელმწიფეც,
სულ პანტაპუნტით ახანჯლა,
ქამარ-ხანჯლითა შობილსა
კი ერქვა

3. მეფემ, სიმდიდრით ქებულმა
სიზმრად ვირთხები იკმარა,
ლამით კაშკაშა მზე-მთვარეს
ვინ ნახულობდა?



5. გაიტყვა ლემით მელა,
ირბინა და იცინა.
..... რომ გაიმეტა
სახრე ვერ აიცდინა.



6. ორი ცხვარი ებადა და...
კუშტად კრავდა კოპებს,
იმისთანა კომბლებს თლიდა,
ეძახოდნენ




7. გადაღვარა ბიჭმა წყალი,
ლორს გააძრო სიქა და ...
ვაჟს მეგობრად ხარი ჰყავდა,
ხარს რა ერქვა?

8. ირმის გამოზრდილ მზეჭაბუკს
ძალა ერჩოდა სიყრმისა,
გველეშაპიც კი დააზრო,
იცანით ალბათ



Sophie

ΛMOMΛ





(გაგრძელება. დასაწყისი „დილა“ №1- 5)

ფერია დილანა და მეგობრები

– როგორ მიყვარს ღამე... მით უმეტეს, მაშინ, როცა, აი, ასეთი ღოჭებსავსე მთვარე ანათებს არემარეს! ნამდვილი ზღაპართღამეა. დილანა, შენ რას იტყვი, რას დაარქმევდი ამ საოცარ ღამეს? აუუ... დილანა, შენ გეკითხები!

– მოეშვი, სპლიყვო, ხომ ხედავ, როგორი მონყენილია!

– და რა სჭირს, ციყვო?

– აბა, რა ვიცი, ვერცხლისფერი ღრუბლიდან ფეხის გადმოდგმისთანავე ასე მოიქუფრა... ისე, მეც მაინტერესებს, იქნებ, მეგობარს რამე უჭირს და ჩვენი დახმარება სჭირდება?!

– რას მარჩიელობთ, მოდი და ვკითხოთ! – კვერნის ნათქვამი ისე მოეწონა, სპლიყვმა მაშინვე ყურები ააპარტყუნა და ტყის სხვა ბინადრებთან ერთად მოგიზგიზე კოცონის პირას ჩამომჯდარი, ფრთებჩამოყრილი დილანასკენ წავიდა.

– ასეთი მონყენილი არასდროს გვინახიხარ, რა გჭირს, დილანა?

– თუ ვინმემ განყენინა, შენ ოღონდ თქვი... – პანანკინტელა მუშტებს უაზროდ იქნევდა ჭიანჭველა.

დილანამ უარის ნიშნად თავი გააქნია, შემთხვევით რომ არ გაესრისა, ჭიანჭველა ხელისგულზე ფრთხილად დაისვა და თბილად გაუღიმა.

– აი, როგორც იქნა, გამოანათა! – სამხვევითის ტყე ყურისნამღები ტაშის გრიალმა შეაზანზარა.

– კარგი, გეყოფათ! ღამეს სიჩუმე უხდება, ჩუუუ...

– სიჩუმე კი არა, ზღაპარი უხდება, ფერიავე, ზღაპარი!

– მართალი ხარ, ნაცარავ, მაგრამ ზღაპარსაც ხომ ჩუმად ვყვებით, განა ვყვირით?! – დილანამ ბაჭიას ჯერ თავზე მიუალერსა, მერე ირგვლივ შეკრებილ სამხვევეთელებს გადახედა, ერთი ღრმად ამოიოხრა და თავის სადარდებელზე ალაპარაკდა:

– ჩემს ჯადოსნურ ჯოხს ხედავთ? თქვენთან რომ მოვედი, გახსოვთ, როგორ კაშკაშებდა?

– გვახსოვს, დილანა, აბა, არ გვახსოვს? მხერას ვერ ვუსწორებდით, პირდაპირ თვალს გვჭრიდა! – მგელმა კუდი ფინია ძალღვივით ააქიციანა.

– და ახლა ნახეთ, როგორ მქრქალად ანათებს, სადაც არის, სულ ჩაქრება და აღარ გაანათებს...

– ეგ არაფერი, მთვარე და კოცონი ხომ გვინათებს ღამეს; თუ საჭირო გახდა, ჭრაქს და სანთელსაც ავანთებთ!

– კარგია, ციყვუნა, გამოსავალს იოლად პოულობ, მაგრამ... მე ხომ ფერია ვარ? ჰოდა, ფერიებისთვის ეს იმას ნიშნავს, რომ... განა სამუდამოდ, დროებით მაინც უნდა დაგტოვოთ. მოკლედ, ყველაფერს აქვს დასარული.

– მაგრამ, ხომ შეიძლება დასასრულიც არ დასრულდეს!

ამ სიტყვებზე ლომსაც ცრემლი მოერია.

– ვფიქრობ, იმაზე ადრე შევხვდებით, ვიდრე თქვენ გგონიათ. აი, როგორც კი ჩემს ფერიულ საქმეებს მოვრჩები, მაშინვე თქვენკენ გამოვფარფატდები!

– რახან ასეა, რაღა გვიჭირს – შენ ისეთი სწრაფი ხარ, დიდხანს არ გვალოდინებ! – დათვმა ტორი ტორს ახლა უკვე ხალისით შემოჰკრა.

– აბა, გაირინდეთ! ისედაც დაგიგვიანდათ ზღაპარი, დროა, მოვეყვე და წარმატების ფორმულა გაგიზიაროთ.

დილანამ გაიღიმა, ჰაერში მქრქალად მოციმ-ციმე ჯოხთან ერთად თვითონაც შემობზრილდა და სწავლას მოწყურებულ მგელზე ზღაპრის მოყოლა დაიწყო:

– ესეც რომ ნასწავლობას დაიჩემებს... – გულიანად იცინოდნენ მგლის ბუნაგის ფანჯარაზე დრუნჩმიჭყლეტილი მელიები და ტურები, მაგრამ მგელს სულ არ ადარდებდა, რომელი უსაქმური რას იტყოდა – მას ხომ ანგარიშისა და წერა-კითხვის სწავლა მიზნად ჰქონდა დასახული, ჰოდა, ამიტომაც, რაც შეეძლო, სწრაფად ჩაალაგა მწვანე ზურგჩანთა...

სანამ ტყის სკოლამდე მიაღწევდა, მგელმა კიდევ ბევრი მოითმინა: ხან მაჩვი გამოუხტა ბუჩქებიდან და იმდენი იცინა, სანამ ქანცი არ გასძვრა; ხან ციყვებმა გამოყვეს გაკრეჭილი თავები ფულუროებიდან, ხანაც ზღარბებმა დაიწყეს ენის ქარტალი – სულ ტყუილად მიკუნტრუშებ, მგელო, შენი დრუნჩ-კბილის პატრონს მაინც უკან გამოგაბუნძულებენ, მოდი, ნაძლევიო.

– საკმარისია, გეყოთ! რა მნიშვნელობა აქვს, როგორი ვარ, მთავარია, სწავლა მწყურია! – ზურგზე მოგდებული ჩანთა ბუზლუნ-ბუზლუნით შეისწორა მგელმა, თუმცა ახლა ბაჭიებმა დაიგრძელეს ენა, დაიჩემეს, მგლის შესაფერის მერხს სკოლაში ვერ მონახავენო!

– წერასაც ვისწავლი, კითხვასაც... ამათ რა ჰგონიათ, ბუნებას ჩემთვის ტვინი არ მოუცია? – თავის თავს აგულიანებდა მგელი, თუმცა ატყობდა, რაც მეტად უახლოვდებოდა სკოლას, მით მეტად უცახცახებდა ფეხები.

– იქნებ, მართალს ამბობენ? ნუთუ შეიძლება, ყველა ერთად ცდებოდეს? ეზოში ცალი თვალით შევიჭყიტები და სანამ შემნიშნავენ, აჯობებს, აქაურობას გავეცალო! – მგელმა ძალა მოიკრიბა, ცივი ოფლით დაცვარული თათებით ჭიშკრის სახელურს მოეჭიდა და სკოლის ეზოში პირველი ნაბიჯი შედგა. იქ კი სწავლის იმდენი მსურველი ნახა: მაღალი ჟირაფი, დაბალი პონი, ტანწვრილი შველი, ბუთხუზა სპლიყვი... მათ შემხედვარე მგელს სითამამე შეემატა და ზარს რომ არ მოესწრო დარეკვა, სკოლის კიბე სულ ხტუნვა-კუნტრუშით აირბინა.

ჰოდა, არც შეცდა! მგელმა სწავლას ისე კარგად აულო აღლო, სულ მალე წარმატების საკუთარი ფორმულაც კი შექმნა:

$m + \heartsuit + \boxed{6} = n$, სადაც m – მონდომებაა, \heartsuit – სიყვარული, $\boxed{6}$ – წიგნი, ხოლო ტოლობის შემდეგ ჩარჩოს გარეშე მოცემული n – წარმატება.

– აი, ამ ფორმულას გიტოვებთ და გამოიყენეთ! – დილანამ ტყის ბინადრებს ჰაეროვანი კოცნა აჩუქა და ვერცხლისფერ ღრუბელზე შემოსკუპებული ბადრი მთვარისკენ გაფრინდა.

დასასრული



მხატვარი
მარიამ დავითაშვილი

ზონა ვაშაკიძე

ინვესტორი დათვი

თაგუნია იპოვა ინვესტორი დათვი. შეიძინეს ტყის პირად სანარმოო ფართი. შეიკრიბნენ სასწრაფოდ ვეფხვი, მგელი, მელა, უცნობი და ნაცნობი, დაასაქმეს ყველა. დაასახლეს მალლობზე ფუტკრის ასი ოჯახი, ვის ეგონა, თუ თაგუ იყო ასე ყოჩაღი. შუშხუნების აშვებით დიდ ტყეს მისცა სალუტი, ყველა საქმე წარმართა ეროვნული ვალუტით და სულ მალე სკებიდან ამოიღეს თაფლი.

მხატვარი
გიორგი ჩაჩანიძე



იქვე სწრაფად ააგეს თაფლის დიდი სახლი. მერე, იცით, რა მოხდა?! არ ცნობდნენ თავგს, არც ფუტკარს, თაფლის მთელი საწყობი, დათვმა დაისაკუთრა. აღარავის დაუთმო თაფლის ერთი წვეთიც, გაახარა, დაატკბო მხოლოდ სადათვეთი. თაგუს თავში უეცრად კარგმა აზრმა ინათა, სიმართლის გასარკვევად სასამართლოს მიმართა. რახან ვერავინ შეძლო დათვის გამოსწორება, მიუსაჯეს სოროში სამუდამო ცხოვრება!



ბოლღინო

ახლა არ მკითხო, ეს რაღა არისო. უნდა იცოდე, ბოლღინო ღვინოში ჩამბალ პურს ჰქვია. მაგრამ მე ახლა სულ სხვა რამ მინდა გიამბო. ეს ამბავი მეც ახლობლებისგან მოვისმინე.

სამი მამიდა მყავდა. მე რომ დავიბადე, სამივენი უკვე დიდები იყვნენ. მესამე, ნაბოლღინო მამიდა, ჯერ არ იყო გათხოვილი და ჩვენთან ცხოვრობდა. სწორედ მის შესახებ გიამბობთ.

პატარაობისას, ასე რვა-ცხრა წლისა ყოფილა იქნებოდა მამიდაჩემი, დიზენტერია შეჰყვია (კუჭ-ნაწლავის ინფექციური დაავადება). დაახვიეს ჩემმა პაპამ და ბებიათა ექიმები, სად აღარ წაიყვანეს, ვინ აღარ მოუყვანეს, რა წამლები არ აყლაპეს, ვერ უშველეს; შვილი ხელიდან ეცლებოდათ. მიიღია, მისუსტდა, საჭმელს საერთოდ ვეღარ ჭამდა და საშინელი ტკივილებისგან იკრუნჩხებოდა.

სამი პატარა შვილი ისედაც ნაპგვარა უფალმა ამ ოჯახს და ახლა უკვე მარიამის დაკარგვა უნდოდათ? არადა, მარტო ექიმები ვერაფერს ხდებოდნენ. ბებია თან ლოცულობდა თურმე, თან ცრემლად იღვრებოდა. პაპა უთქმელობით ჩამოხმა. წამლების მიცემას მაინც აგრძელებდნენ იმ იმედით, იქნებ, დღეს თუ არა, ხვალ მაინც უშველოსო.

ერთხელ მარიამს ცოტა რომ ჩაუყურდა ტკივილი, პაპამ მარნიდან თიხის დოქით საფერავი გამოიტანა, თიხისავე ჯამში ჩაასხა, პურს ყუანაატეხა და რბილი ნაწილი, ლუკმა-ლუკმა დატეხილი, ღვინოში ჩაანყო. გულში რას ფიქრობდა, არავინ იცის, ხმამალლა კი უთქვამს: – ხომ მიკვდება შვილი და იქნებ, ეს მაინც იხმოსო, ესე იგი, იგემოს, ცოტა მაინც შეჭამოსო. ამოუღია ღვინოში ჩამბალი პური

და შვილისთვის პირთან მიუტანია. ბავშვმა ჯერ თითქმის გაღურჯებული ტუჩები შეარხია ოდნავ, მერე ერთი ლუკმა როგორღაც ნელ-ნელა შეჭამა (იხმია) და მიიძინა. კარგა ხანს ეძინა. რომ გაიღვიძა, მოითხოვა, კიდევ მაჭამეთ ბოლღინო. გახარებით პაპას და ბებოს; ბევრი ვერც ამჯერად შეჭამა, სულ ორი-სამი ლუკმა, მაგრამ აშკარა იყო, ბავშვმა მოიხედა.


ასე გაგრძელდა თითქმის მთელი კვირა. მარიამს ბოლღინოს მეტი არაფერი უჭამია. ჯან-ლონე დაუბრუნდა, გამოკეთდა. დრო გავიდა, გათხოვდა და შვილებსა და შვილიშვილებსაც მოესწრო.

ზოგჯერ ექიმების გამონერილს ხალხური წამლებიც უნდა მივახმაროთ ხოლმე, თუ გვინდა, რომ გამოვჯანმრთელდეთ.

მე ასე ვფიქრობ, შენ?

მხატვარი
გიორგი ჩაჩანიძე





ამბავი ჭიანჭველაზე

ჭიანჭველა საჭმლის საშოვნელად მიდიოდა. უცბად დაინახა პატარა ტოტი, რომელიც მისცეს ლიზამ, რუსუდანმა და ქეთევანმა. ჭიანჭველამ აიღო ტოტი, გადაიღო ზურგზე, მაგრამ აღარ იცოდა, საით წასულიყო. გოგონებმა თითოთ უჩვენეს გზა.

ჭიანჭველას გაუხარდა, სახლი რომ იპოვა და გოგონებს ხელი დაუქნია: მადლობა ლიზიკო, რუსუდან და ქეთევან.

ამის შემდეგ კარგად ცხოვრობდა ჭიანჭველა.

დამთავრდა ზღაპარი, ბავშვებო, თქვენც კარგად იყავით.



ნახატი 8 წლის ლიზა კავლიშვილისა

რაბუსები



18



მხატვარი
ნატა კუცია

მამარი


დილით დგება მზეზე ადრე
გაბლენძილი, თამამი,
შემოჯდება მაღლა სერზე
თავქოჩორა მამალი.

გადმოხედავს არემარეს
და შეჰყივლებს მზესო
– გაიღვიძე, ამობრწყინდი,
აგერა ვარ მეცო.

ყივის, მანამ ყველა ზარმაცს
არ გაუქრობს ძილის სურვილს,
დილის ნამით გამომთვრალი
ჩვენს ეზოში ფერხულს უვლის.

ყურადღებას არვის აკლებს,
კრუხ-წინილას დაყოფს, დათვლის,
იცავს ყველას, არ დაინდობს,
ებრძოლება, ვისაც მტრად თვლის.

საღამოზე დაქანცული
მზის ჩასვლასთან ერთად წვება,
რომ ძალები აღიდგინოს –
ის ხომ მზეზე ადრე დგება.



ნახატი
ატორისა



ნია

მწვანე ჭერამს ითვლის ნია:
– ხუთი – ნინოს, ხუთი – გიას.
წამოადგათ თავზე ბებო:
– მუცელს გატკენთ, უჭკუებო.

ანა მამუკელაშვილი

ჭრელაჭრელა

ჭრელაჭრელას, ნითელს, ყვითელს
ანანილებს ნიტა ტიტებს.
თუ უმღერებ რამეს ნიტას,
მოგცემს ჭრელს ან ყვითელ ტიტას.
– მე ვუმღერებ იაზე,
გაზაფხულის ნიაზე,
ან მთებზე, ან ჩიტებზე,
ანდა ისევ ტიტებზე.



(გაგრძელება. დასაწყისი „დილა“ №5)



შოშიები თბილ ქვეყნებში გასაფრენად ემზადებოდნენ. გადანყვიტეს, ციცქენა-ბიჭიც თან ნავიყვანოთ და გავასამართლოთ.



ერთმა შოშიამ ციცქენა ზურგზე შეისვა და გზას გაუდგინა.



გზაში განვიმდა და სეტყვა წამოვიდა. ერთი დიდი ხომკაკალა შოშიას თავში მოხვდა და დარეტიანებული თავდაღმა დაეშვა.



ციცქენა ბიჭმა უღრან ტყეში მოღზე მოადინა ბრაგვანი.



გონზე რომ მოვიდა, დაინახა, თავზე ციყვი ცელქა და ზღარბი ნემსა დასდგომოდნენ და თხილის ნაჭუჭით წყალს აპკურებდნენ.



ცელქა და ნემსა თხილითა და ვაშლით გაუმასპინძლდნენ ციცქენას.



ამ დროს, სად იყო და სად არა, მელია გამოჩნდა. ზღარბი შიშისგან ისე მოიკუნტა, ეკლის ბურთს დაემსგავსა, ციყვი ხეზე შეხტა.



ციცქნა-ბიჭს შეეშინდა. ნაბლის ბუძგი
ნახა, შიგ შეძვრა და დაიძალა.

მელიას ციცქნა-ბიჭი ზღარბი ეგონა და, აბა, რას
დააკლებდა — კუდამოძუებული გაბრუნდა.



დარჩა ციცქნა-ბიჭი ტყეში, მალე ხეებს ფოთლები
დასცვივდა, თოვლიც მოვიდა. მარტო ნაძვი იყო
მწვანე.

ციცქნა-ბიჭი ხეზე ავიდა და ერთ გირჩზე
დაბინავდა გამოსაზამთრებლად.



ერთხელ ტყეში ვილაც კაცი მოვიდა.
ციცქნა არც შეუმჩნევია, მოჭრა
ნაძვი და წაიღო.

კაცმა ნაძვი შინ მიიტანა, დადგა და საახალწლო
საჩუქრებით მორთო. მაშინლა შეამჩნია ციცქნა-ბიჭი.



იმ კაცის შვილებს სათამაშოებზე მეტად
ციცქნა ბიჭის დანახვა გაუხარდათ. ნაძვის
ხეზე პატარა სახლი გაუკეთეს.

ციცქნა-ბიჭი ახლაც ნაძვის ხეზე ცხოვრობს,
კეთილ ბავშვებთან, არც სიცვიც ეშინია და
არც შიმშილის.



შალვა ჭიჭიბავა (1895-1921)

ზმანებასავით გაქრა, მა-
ლალი, ლამაზი, უაღრესად
განათლებული, იუმორის
გრძნობით დაჯილდოებუ-
ლი ახალგაზრდა, რომელ-
მაც ქართული სახვითი
ხელოვნების ისტორიაში
უდიდესი კვალი დატოვა.

ქართველი მოდერნისტების
წარმოდგენა შალვა ქიქოძის გარეშე შეუძლე-
ბელია. მისი შემოქმედებითი მემკვიდრეობა
უაღრესად მრავალფეროვანია. დაზგური გრა-
ფიკის, კარიკატურის, თეატრის მხატვრობის
გარდა მნიშვნელოვანია მისი ფერწერული
ნაწარმოებები, მათ შორის როგორც ქართულ
თემატიკაზე შექმნილი ნამუშევრები, ასევე პა-
რიზული პერიოდის ნაწარმოებები. მოდერნის-
ტულის გარდა, მის ნამუშევრებში თავი იჩინა
იმპრესიონისტულ-პოსტიმპრესიონისტულმა
თუ ექსპრესიონისტულმა ტენდენციებმა. ხში-
რად მიმართავდა თხრობის სიმბოლისტურ

ენას და გამორჩეულად ეროვნული მახასიათე-
ბლების მატარებელი იყო. ძალიან ცოტა იცო-
ცხლა იმისთვის, რომ რაიმე განსაკუთრებულ
აღიარებას მოსწრებოდა, თუმცა დღეს ქართუ-
ლი ხელოვნების ისტორია მისი შემოქმედების
გარეშე წარმოუდგენელია.

1895 წლის 27 მაისს ოზურგეთის მაზრის
სოფელ ბახვში, გერასიმე ქიქოძისა და მა-
ტრონე კალანდარიშვილის ოჯახში ვაჟი დაი-
ბადა. ბავშვს შალვა დაარქვეს. მატრონე ხში-
რად ავადმყოფობდა და მალევე გარდაიცვა-
ლა. პატარა შალვას, და-ძმასთან ერთად ბებია
ზრდიდა. წლების შემდეგ, გერმანიაში მყოფი
მხატვარი თავის წერილებში წერდა: „ძვირფა-
სო ბებიკო, ჩემო ბებიკო, როგორ მენატრები,
რომ იცოდე. ყველაფერს მიჩრევნია ეხლა შენ-
თან სასადილო მაგიდასთან დამსვა... აქაური
ცხოვრება უფლებას არ მაძლევს, რომ ხშირად
ვიფიქრო ამაზე. მაგრამ როდესაც დავფიქრ-
დები, მზადა ვარ მთელი ევროპა... ვანაცვალო
ჩემს პატარა ბახვს, ებოს, ჭიშკარს, ქათმებს,
გოჭებს, ვინ მოსთვლის.“

შალვამ ხატვა თითქმის ლაპარაკთან ერ-
თად დაიწყო. ხატავდა ყველაფერს, რაც
მოსწონდა, აინტერესებდა ან იტაცებდა. სულ
პატარას მარჯვენა ხელი დაუზიანდა. ხატვა
იმდენად უნდოდა, რომ საჩქაროდ მარცხენა
ხელით ისწავლა ფანქრის დაჭერა. თბილისის
სათავადაზნაურო გიმნაზიაში სწავლის წლებს
უკავშირდება მისი პირველი კარიკატურები.
ამ ნამუშევრების მთავარი გმირები მისივე
მასწავლებლები იყვნენ. სხარტი, მკვირცხლი
გონების მქონეს მახვილი თვალი და მსუბუქი
მონასში გამოარჩევდა. ამიტომაც გამოსდიო-
და კარიკატურები და შარყები ასე იოლად.
იმდენად კარგად ხატავდა, რომ გიმნაზიის შე-
ნობაშივე პატარა სახელოსნოც კი მიუჩინეს.

სასწავლებლის დასრულებისთანავე, ოჯა-
ხის გადანყვეტილებით შალვამ იურისპრუ-
დენციის შესწავლა დაიწყო მოსკოვის უნი-
ვერსიტეტში. მას მამის განსაკუთრებული



1915 წ.

რიდი ჰქონდა და მის სურვილებს გამორჩეულად ითვისებდა. არც ამჯერად აწყენინა მამას და პროფესია მისი სურვილის მიხედვით შეარჩია. ამის პარალელურად კი არც თავის ოცნებაზე თქვა უარი და მთელი მონდომებით დაიწყო მზადება მოსკოვის ფერწერის, ქანდაკებისა და ხუროთმოძღვრების სამხატვრო სასწავლებელში ჩასაბარებლად. ორი წელი ემზადებოდა მომავალი მხატვარი გამოცდებისთვის. 1916 წელს ის უკვე ფერწერის ფაკულტეტის სტუდენტია. ამასობაში ოჯახისთვისაც ნათელი ხდება ამ გადწყვეტილების ერთადერთობა და ისიც იურიდიულზე სწავლას ანებებს თავს. მხატვარი იწყებს მოსკოვურ ჟურნალ-გაზეთებთან აქტიურ თანამშრომლობას: ბეჭდავს კარიკატურებსა და შარჟებს, ფსევდონიმით – chalice.

სამშობლოში დაბრუნებული შალვა ქიქოძე ასევე აქტიურად განაგრძობს პერიოდულ გამოცემებთან თანამშრომლობას. ამასთან, არა მარტო როგორც მხატვარი, არამედ როგორც მწვავე კრიტიკული წერილების ავტორიც. განსაკუთრებით კატეგორიულია, როცა გამოსახულებას ეროვნული ფორმისგან დაცლილს ხედავს.

1919 წლის „ქართველ ხელოვანთა საზოგადოების“ ინიციატივით საზღვარგარეთ სასწავლებლად იგზავნიებიან ახალგაზრდა ნიჭიერი ქართველი მხატვრები: დავით კაკაბაძე, ლადო გუდიაშვილი და შალვა ქიქოძე. საოცრად გაუჭირდა სამშობლოს დატოვება. არადა, პირველად ხომ არ უნევდა სასწავლებლად სხვა ქვეყანაში გამგზავრება. მარშრუტი – ბათუმი-კონსტანტინოპოლი-მარსელი – ურთულესი აღმოჩნდა ახალგაზრდა მხატვრისთვის.

„ფოთს რომ გავდიოდით მაშინ ვიგრძენი, თუ რა ძნელია მოწყდე საკუთარ მიწა-წყალს, – წერს უკვე საფრანგეთში ჩასვლის შემდეგ მამისადმი მიწერილ წერილში, – დიდი ბრძოლა დამჭირდა, რომ არ დამეყვირა. ვფიქრობდი, სამშობლოს მე მგლეჯენ-მეთქი და არა მე ვშორდები-მეთქი მას. არაფერი განმიცდია, არასდროს ამდაგვარი. სხვაგანაც ვყოფილვარ აკი, ხიფათისგანაც ვმდგარვარ ახლოს, მაგრამ, არსად შიში და ძრწოლა, წერვების მოშლა და დაღლილობა არ განმიცდია. მაშინ კი გემის ბაქანზე განვიცადე ეს შიში. აღარ მინდოდა არსად წასვლა, გამოვტყდები, სიყვარული, დიდი, საკვირველი სიყვარული მისი, რაც დავტოვე, ბობოქრობდა ჩემს მკერდში. და ვგრძნობდი, რომ ჭეშმარიტად დიდი



1912 წ.

და მშვენიერი ის ქვეყანა, რომელსაც თავის შვილში ასეთი გრძნობების აღძვრა შეუძლია.“

ზოგჯერ უცნაურად ლაგდება ადამიანის ცხოვრება. ვინ იცის, შესაძლოა წინათგრძნობაც იყო. ასეთი სიმძაფრით განცდილი განშორება სამუდამო დასასრულის მაუნყებელი აღმოჩნდა. მხატვარი საქართველოში ველარ დაბრუნდა. მძიმე სენით დაავადებული, 27 წლის ასაკში გერმანიაში, ქალაქ ფრაიბურგში გარდაიცვალა და იქვე დაკრძალეს.

ლექსიკონი:

იმპრესიონიზმი – ამ მხატვრულ ტენდენციას XIX ს-ის 70-იან წლებში საფრანგეთში ჩაეყარა საფუძველი. მისი მთავარი მახასიათებელი ნამიერი შთაბეჭდილების გამოსახულებაზე გადმოტანა-დაფიქსირება იყო. შემთხვევითი როდია, რომ საკუთრივ ტერმინი იმპრესიონიზმიც ფრანგულიდან თარგმანში შთაბეჭდილებას ნიშნავს.

პოსტიმპრესიონიზმი – მხატვრული მიმდინარეობა, რომელიც იმპრესიონიზმის შემდგომ მკვიდრდება საფრანგეთში. მისი წარმომადგენლები ფერისა და ფორმისმიერ ახლებურ ძიებებს განაგრძობდნენ და სულ უფრო მეტად უარყოფდნენ ხელოვნებაში მანამდე დამკვიდრებულ ხატვის აკადემიურ მანერას.

ექსპრესიონიზმი – მხატვრული მიმდინარეობა, რომელიც XX ს-ის დასაწყისში ჩაისახა გერმანიაში და რომლის მთავარი ამოცანა გამოსახულების მაქსიმალური ემოციური დაძაბულობის ზღვარზე წარმოჩენა-ასახვა იყო.

მხატვარი შალვა ქიქოძე
1915 წ.



ჟურნალ „დილას“ 2013 წელს მიენიჭა არამატერიალური
კულტურული მემკვიდრეობის ძეგლის სტატუსი

მთავარი რედაქტორი: დოქორი ნინო ნიჭინაძე
ნახატი ყდაზე: თეა მიქაიასი

მის.: ზანდუკელის ქ. 1, ტელ.: 2 93 69 77

<http://www.dila.ge>, ელ-ფოსტა: dila1904@yahoo.com,

facebook: საბავშვო გამომცემლობა დილა

ფასი: 2.50 ლარი



ჟურნალი გამოდის საქართველოს კულტურისა და ძეგლთა დაცვის სამინისტროსა
და სსიპ „მწერალთა სახლის“ მხარდაჭერით.



საქართველოს კულტურისა
და ძეგლთა დაცვის
სამინისტრო